

"DAS GEHEIMNIS DES KREUZES"

-JETZT GEOFFENBART-

-CHRISTSEIN HEISST SELBSTVERLEUGNUNG-

Übersetzung **in Albanish!**

- 1 -

Gur i ndertimit Frymor Nr. 3

"MISTERI I KRYQIT"

Tani i zbuluar

- Të jesh i krishterë do të thotë të mohosh vetveten. -

Galatasve 6:14: "SA Per për mua, mos ndodhte kurre që une të mburre me tjetër gjë, veçse për kryqin e Zotit tonë Jezu Krisht, për të cilit bota është kryqëzuar tek une dhe unë për botën."

Nëse dëshiron ta shohësh Jezusin, nëse ndonjëherë shpreson ta shohësh Atë, nuk do ta shohësh kurrë duke u bashkuar me ndonjë kishë, duke ndjekur ligje nga libra ose duke shërbyer besimeve. Do ta shohësh Atë kur të vdesësh. Kur të shkosh në Golgotë dhe të kryqëzohesh vetë, atëherë do ta shohësh Jezusin.

Ti e gjen Jezusin në kryq, kur ke qenë i kryqëzuar bashkë me Të.

Nuk mund ta gjesh Krishtin, përderisa nuk i vdes vetes dhe nuk e pranon Atë, Fjalën — atëherë do të gjesh jetën.

Një dishepull i vërtetë do të të çojë drejt në praninë e Krishtit, dhe atje Krishti do të të tregojë se çfarë duhet të bësh (Gjoni 12:20-26).

Por Krishti i çoi ata te kryqi. Dhe nëse shkon te një dishepull i vërtetë, i cili do të të tregojë rrugën për te Krishti, atëherë Krishti do të të çojë te kryqi, ku ti ke qenë i kryqëzuar bashkë me Të (Romakëve 6:6).

Dhe jeta e Tij e përjetshme dhe jeta jote do të takohen, dhe jeta jote do të vdesë, dhe ti do të pranosh jetën e Tij të përjetshme. Atëherë ti je një bir i Perëndisë. Amen. Sa ndryshim i madh midis dishepujve të asaj kohe dhe dishepujve të sotëm!

Vetë Krishti i drejtoi njerëzit drejt vdekjes së Tij dhe tha: "Nëse një kokërr gruri nuk bie në tokë dhe nuk vdes, ajo mbetet vetëm." (Gjoni 12:24).

- 1 -

“Unë do t’ju tregoj një vend, ku do të kryqëzohem për ju. Dhe aty, nëse edhe ju kryqëzoheni bashkë me Mua, merrni kryqin tuaj dhe më ndiqni, do të njihni se kush jam Unë” (Mateu 16:24-25).

Oh, sa ndryshe është! Po, vërtet, sa ndryshe! Por jeta jote dhe Jeta e Tij takohen jo në kishë, jo në një ndërtesë, jo në një besim të shkruar, jo në vepra të mira, por në kryq, ku je kryqëzuar me Të (Galatasve 6:14). Aty e gjen Krishtin. Ti nuk e gjen Krishtin duke u përmirësuar, duke filluar një faqe të re apo një jetë të re – atje nuk është Krishti. Krishtin e gjen vetëm në vdekje, jo në një grazjd, jo në një rrëfim besimi.

Duke besuar në rrëfime besimi apo përralla, nuk do ta gjesh Krishtin. Një shërbëtor i vërtetë të çon tek Ai, dhe Ai është Fjala.

Ti thua: "Nëse Krishti është sot në tokë, një shërbëtor i vërtetë do të më çojë tek Ai, tek Krishti." Po, Krishti është këtu në formën e Fjalës; dhe Fjala sjell jetë, sepse Ai është Fjala (Gjoni 6:63).

Krishti është Fjala. Po, Ai është vetë Fjala. Një shërbëtor i vërtetë gjithmonë të çon tek Fjala.

Tani, Ai është Fjala. Ai është kjo Bibël e bërë e gjallë. Dhe kur ti vdes ndaj vetes me Krishtin, si një kokërr gruri, atëherë Fjala jeton në ty dhe prodhon të njëjtat rezultate si ajo kokërr gruri e gjallë që duhej të binte në tokë. Ti bëhesh pjesëmarrës në Ringjalljen e Tij.

Ti je pjesëmarrës me Të në të gjitha bekimet e Tij, në të gjitha shfaqjet e Tij.

Ti je pjesëmarrës me Të në gjithçka që Ai bëri.

Nëse je bir apo bijë e Perëndisë, atëherë ti ke qenë në Perëndinë që në fillim.

Ti je cilësia e Tij.

Nëse nuk ke qenë atje atëherë, nuk ke qenë kurrë dhe nuk do të jesh kurrë (Gjoni 17:6, 9-16).

Bijtë dhe bijat kanë qenë në Perëndinë që në fillim. Shiko tani! Ti thua se ke jetë të përjetshme. Ne e besojmë që kemi jetë të përjetshme (Gjoni 5:24). Epo, ekziston vetëm një formë e jetës së përjetshme, dhe ajo është Perëndia. Është e vetmja gjë që është e përjetshme – Perëndia. Nëse ti ke jetë të përjetshme, atëherë kjo jetë që është në ty, ka qenë gjithmonë.

Ti ishe në ijët e Perëndisë, përpara se të ekzistonte ndonjëherë një botë (Efes. 1:3-5). Vetë Jezusi quhet Fjala, dhe në Gjonin 1 thuhet: "Në fillim ishte Fjala, dhe Fjala ishte pranë Perëndisë, dhe Fjala ishte Perëndi. Dhe Fjala u bë mish dhe banoi ndër ne" (Gjoni 1:1-2,14-18). Atëherë ti ishe në ijët e Jezusit dhe shkove me Të në Golgotë. Ti ke vdekur me Të dhe je ringjallur me Të. Dhe sot je ulur në vendet qiellore në Të (Efes. 2:6-7), i mbushur me Frymën e Tij, bij dhe bija të Perëndisë. I vdekur me Të, i ringjallur me Të! Sigurisht!

Në mendimet e vetë Perëndisë; Perëndia, Frym e Madhe.

Në fillim, përpara se të kishte një fillim, Ai ishte Perëndi. Dhe a e dini që ju ishit atëherë në Të? Nëse tani je një i krishterë, atëherë ti ishe që në atë kohë në Të.

Dhe nëse kjo është e vërtetë, atëherë gjithë Hyjnia u mishërua në mënyrë të plotë në personin e Jezus Krishtit (Kol. 2:9-10). Dhe kur Jezusi vdiq në kryq, unë vdiqa me Të, sepse isha që atëherë në Të. Sepse Ai ishte plotësia e Fjalës e shprehur, dhe Ai e dinte se ne do të shpreheshim më vonë.

Dhe ne ishim me Të në Golgotë.

Ne shkuam me Të në varr. Dhe jemi ringjallur me Të në ringjalljen e Tij (Rom. 6:3-5). Dhe tani jemi ngjitur lart, përmes Frymës së Tij, në fronin e hirit, dhe jemi ulur së bashku në vendet qiellore në Krishtin Jezus. Përgjithmonë!

Sepse ashtu siç përcillet fara e jetës natyrore, duke u pjellë nga babai, nga babai te babai e kështu me radhë, ashtu është pjellë edhe jeta e Krishtit. Prandaj Perëndia e ka përdorur frymën e Elias (Elisë) pesë herë të ndryshme. Çfarë është kjo? Është një vazhdimësi.

Ashtu si jeta jote natyrore dhe tiparet e karakterit tënd përcillen nga natyra e trashëguar e babait tënd, ashtu është edhe Fryma e Perëndisë, e cila është paracaktuar përpara themelimit të botës. Dhe kur gjithë Fjala e Perëndisë u mishërua plotësisht në një trup njerëzor të quajtur Jezus Krishti, në Atë atëherë Perëndia më la të paguaj për mëkatet e mia. Pastaj më zgjoi, unë u ngrita me Të në ringjallje. Dhe tani jemi ulur me Të, me fuqi dhe autoritet mbi çdo djall (Efes. 1:15-23). Oh, sikur ju vetëm...

A mund të besoni atë që Perëndia ka dhënë? Por nëse nuk je ulur atje, atëherë nuk e ke. Dhe nëse je ulur atje dhe nuk beson dhe frikësohesh të lëvizësh, atëherë kurrë nuk do të mundesh ta përdorësh.

Por nëse je ulur atje, do ta përdorësh, sepse je i destinuar të bësh atë që bën.

Kujtoni, kur ishit ende në ijët e atit tuaj, ishit në të. Por ati juaj ende nuk ju njihte, dhe ju nuk e njihnit atin tuaj. Duhej të vinit dhe të lindnit. Perendia përgatiti një rrugë përmes nënës suaj, si toka mbjellëse, dhe pastaj doli në dritë. Dhe pastaj u bëtë burrë ose grua, çfarëdo që të ishte, dhe atëherë e njohët atin tuaj, dhe ati juaj mund të kishte bashkësi me ju.

Tani kujtoni, nëse keni jetë të përhjetshme, jeta juaj ishte në Perëndinë në fillim. Dhe jeta, Perendia, është Fjala. Dhe kur Fjala u bë mish në Jezus Krishtin, Perendia zbriti për të banuar në trupin e Tij (Filipianëve 2:5-8) dhe e bëri Vetën Birin e Perendis. Kur Perendia zbriti për të banuar në të, ti ishe në Të kur Ai u kryqëzua. Dhe ti u kryqëzove me Të dhe vdiqe me Të në Golgotë.

Ti u varrose me Të, në mal. Dhe u ngjalle me Të në mëngjesin e Pashkëve. Dhe tani je ulur së bashku me Të në vendet qiellore dhe tani ke bashkësi me Të.

Perendia vetë u bë një nga ne. "Askush nuk e ka parë Atin ndonjëherë, Biri i vetëmlindur i Atit e ka treguar Atë." (Gjoni 1:14-18). Kjo do të thotë:

Perendia u bë njeri, që të kishte bashkësi me ty si një

njeri (1 Timoteut 3:16). Shihni, tani ti je mish dhe Ai është mish. Perendia u bë mish mes nesh, në personin e Birit të Tij, Jezus Krishtit. Dhe në Të ishte Perendia. Ai ishte Perendi, asgjë më pak se Perendia. Ai ishte Perendi. "Perendia i shprehur në Birin, Jezus Krishtin", gjë që e bëri Atë Emanuel, siç kishte thënë profeti për Të (Mateu 1:21-23).

Duhet të ecësh në të njëjtën rrugë që ka ecur Jezusi, përmes vetësakrificimit; t'ia dorëzosh gjithçka Perëndisë, të shkosh në Golgotë dhe të kryqëzohesh me Të. Dhe të ringjalles përsëri, për të veshur petkun e Tij të flijimit dhe vdekjes ndaj gjërave të botës. [5]

Çdo besimtar që vjen te Krishti, duhet të vijë te i njëjti kryq i mohimit të vetvetes (Luka 9:23), dhe atje të vdesë me Qengjin, me Qengjin e tij. Të vdesë ndaj mendimeve të veta; të vdesë ndaj arsyetimit të vet Frymore. Prano thjesht atë që Fryma e Shenjtë të thotë në zemrën tënde, pastaj jeto për Krishtin! [6]

Miqtë e mi, nuk dua ta them këtë në mënyrë kritike, por kemi dështuar në zbatimin e programit që Krishti na dërgoi për ta kryer. Shikoni, Ai tha: "Shkoni në gjithë botën dhe predikoni Ungjillin." Tani, Ai nuk tha që të ndërtonim shkolla apo që të ndërtonim kisha. Të gjitha këto janë gjëra të mira. Por ne kemi shpenzuar gjithë kohën tonë duke ndërtuar shkolla, kisha dhe denominacione, të cilat kanë pasur një rol. Por kjo nuk është ajo që Ai tha. "Predikoni Ungjillin, dhe këto shenja do të ndjekin ata që besojnë." Me fjalë të tjera, të predikosh Ungjillin do të thotë të tregosh fuqinë e Frymës së Shenjtë (Marku 16:15-18). Dhe në këtë ne kemi dështuar.

Kishës sot nuk i duhet asgjë e butë, e përzier. Aq e butë dhe e plogësht është bërë kisha, saqë mjafton të bësh një rrëfim, të pagëzohesh dhe të thuash që je i krishterë. Të jesh i krishterë do të thotë të mohosh veten. "Moho veten! Merr kryqin tënd! Ndiq Mua përditë!" (Luka 14:25-35). Sot është aq e butë dhe njerëzit e quajnë veten të krishterë. Dikur, të pohoje Krishtin do të thoshte vdekje, dhe të ishe i varur nga Ai për çdo gjë që kishe nevojë çdo ditë. [7]

Dhe në çfarë përzierjeje kanë hyrë njerëzit sot! Vetëm mendoni, krishterimi është bërë një nga gjërat më të buta! Gjithçka që bëjnë është të shkruajnë emrin në një libër, dikush i spërkat ose bën diçka të ngjashme dhe pastaj i japin dorën e djathtë predikuesit.

...t'i japësh Bashkësis. Dhe kjo është gjithçka që ka lidhje me këtë, pastaj ata dalin jashtë. Por kjo nuk është

krishterimi.

Krishterimi është mohimi i vetvetes (Luka 9:23). "Merr kryqin tënd çdo ditë! Ndiqe Atë!" (Mateu 16:24-25). Vdis për gjërat e kësaj bote! Kur gjithë dënimi është larguar, atëherë nuk ka më asnjë dënim për ata që janë në Krishtin Jezus (Romakëve 8:1-2). Si hyn dikush në Të? Duke u bashkuar me ndonjë grup? Jo. Duke shtrënguar duart? Jo. Nëpërmjet një shoqate? Nëpërmjet edukimit? "Sepse nëpërmjet një Fryme jemi të gjithë pagëzuar në një trup" (1 Korintasve 12:13). Nëpërmjet pagëzimit të Frymës së Shenjtë ne jemi në Krishtin. "Dhe nuk ka më asnjë dënim për ata që janë në Krishtin Jezus, që nuk ecin sipas mishit, por sipas Frymës." Amen. Oh, kjo i bën të gjithë të brohorasin! Amen.

